

太上昇玄說消災護命妙經註

脩

江

混

然

子

註

太者無也上者極也昇高也玄妙也說開化也消
滅也災害也護保也命身也妙方之又玄也經心
也徑也人人共行之徑路也天尊言無極大道化
生天地萬物之多無物不有其妙唯人得其秀而
最靈然雖靈也人生風土不同稟受則有殊異是
有賢愚不等故天尊以慈憫力開方便門普化世
人明本來之真性全見有之身命以心鍊念以情
歸性然默運天機流精化氣會於乾宮充周四體
乃謂之昇玄運符火以鍊神點金液以鍊形形強
神清諸邪不入百病不生長生久視超塵出劫乃

東京大學
東洋文化研究所所藏
漢籍善本全文影像資料庫

書名 太上昇玄說消災護命妙經註一卷
撰者 元 王玠 撰
卷 卷一
內容分類 子-道家-道經
索書號 子部-道家-97
編號 C6724500

[彩色首頁1](#)

[東洋文化研究所漢籍目錄](#) 編號: C6724500

[東洋文化研究所漢籍目錄所藏漢籍善本全文影像資料庫](#) 索書號: 子部-道家-97

[漢籍善本全文影像資料庫](#) 文本 [太上昇玄說消災護命妙經註一卷](#)

版權所有: [東京大學](#) [東洋文化研究所](#)

[使用上的注意事項](#)

有法悟无法 心随法生法随心滅

无脩解有脩 性本无脩脩即非性

包含萬象體 心空性寂无所不容

不掛一絲頭 纔染一塵即成滲漏

右頌言其體用也體之則無用之則有所以自有

法頓悟无法因无脩勘破有脩至於有无不立心

法雙忘體同太虛包羅无外大道之理至是而盡

矣

大道經註終

太上昇玄說消灾護命妙經註

脩 江

泥

然

子

註

太者無也上者極 昇高也玄妙也說開化也消

滅也灾害也護保也命身也妙方之又玄也經心

也徑也人人共行之徑路也天尊言無極大道化

生天地萬物之多無物不有其妙唯人得其秀而

最靈然雖靈也人生風土不同稟受則有殊異是

有賢愚不平等故天尊以慈憫力開方便門普化世

人明本來之真性全見有之身命以心鍊念以情

歸性然默運天機流精化氣會於乾宮充周四體

乃謂之昇玄運符火以鍊神點金液以鍊形形強

神清諸邪不入百病不生長生久視超塵出劫乃

謂之消灾護命若有能受持此道運行一身與聖
仙並駕與天地同軀是為妙經也道德經謂善人
不善人之師不善人善人之資故無棄人所以衆
生雖是有貪愛之心其中皆有善智之性天尊說
此經開化妙理以喻後之來者流通讀誦究竟大
道之由悟之者愚可以智濁可以清超凡入聖自
然消灾滅罪保命乃得延年豈不是妙經也我頌
曰無極玄元始巍巍靈寶尊昇玄弘教化顯道說
經文

爾時元始天尊在七寶林中五明宮內

爾時者昔混沌之時也元始者祖氣也天尊者一
靈至貴天上地下唯此獨尊也七寶林者心也神

也五明宮者黃庭也以世法釋當龍漢之初八角
垂芒一點祖劫之氣化正氣萬道浮滿空中結成
聖體一神舍妙萬有乃強名曰元始天尊也當說
之時在始青天七寶林中五明宮內也以道用言
人人之生皆有元始天尊此言一點真陽之氣居
於生門密戶中間空懸一竅乃曰天心性亦寓焉
為萬神朝會之祖是謂元始天尊者也凡遇一陽
初動當轉經之時則神下墜玄閔鼓巽風吹發離
宮三昧之火追二氣於黃道會三性於元宮混融
成丹所以鍊性如金之堅全藉火力以鍛鍊火以
七言土以五言是以在七寶林中五明宮內者也
此即度人經所謂元始懸一寶珠大如黍米在空

玄之中去地五丈登引天真之道也頌曰元始先
天地無為浩劫宗一心抱衆體真下詭真空

與無極聖衆俱放無極光明照無極世界

此承上言一神正位萬神朝宗以世法言當天尊
說經之時則諸天諸地三界十方無極聖衆一時
同會於七寶林中五明宮內咸聽說經之妙是時
放無極光明照無極世界也以道用言凡作丹之
時以天罡之幹運逢回斗柄之機則通身萬神萬
氣同會於心薰蒸片餉即得神清氣爽心廣體胖
靈舍空妙萬竅光明是照無極世界也此即與度
人經所言上聖高尊妙行真人無數數衆過三而
來俱入寶珠之內既入珠口不知所在法事粗悉

諸天復位倏歛之間寂無遺響是也頌曰一黍藏
天地諸真集聖軀慧光生恍惚徧界照虛無

觀無極衆生受無極苦惱宛轉世間輪迴生死漂浪 愛河流吹慾海沉滯聲色迷惑有無

觀者洞觀也無極者言天下人物之多生生不盡
之意也衆生者下愚貪愛之人也及其一切含靈
之物皆是衆生此一節以下天尊居靜極之中以
智慧目洞觀大化之內劫濁之間有等貪夫俗子
下愚之人不畏天命不惜生身紛紛貪愛形雖人
身心如禽獸也奈何此等衆生不識人倫不懼國
法心為形役逐利迷情舍死貪求了無厭足造成
種種之愆作下無遮罪業一旦自招殃咎天灾罪

已小則自陷一身大則禍連骨肉是以受無極苦
惱宛轉世間輪迴生死於六道之中永無出期漂
浪於愛河流浪於慾海之地汨沒沉淪無有休息
天尊憐憫衆生之苦深可痛哉故以此等由開化
世人早悟回頭殊不知造惡者必有惡報如影隨
形竟不尋思至此唯務縱念所為沉滯於聲色耳
中聽眼中見紛紜馳逐於外自身精神耗散化為
異類而不復猶自不醒迷惑有無而終不改也頌
曰衆生心自昧造業受輪沉愛滯於聲色何如獸與禽
無空有空無色有色無無有無有有無有終始暗昧
不能自明畢竟迷惑

此一節承上言衆生迷惑有無不自醒悟於此故

言大道之始本無形無情無名因氣化生物一
為二遂有形有情有名衆生所以不得真道者執
着幻形為有昧了本來之性道本不空執着為空
道本無色執着有色道本無形執着有形道虛真
有執着無有以此為有妄心不信真道不知其來
不知其去是以終始暗昧不能自明畢竟迷惑故
造惡作非遭於濁辱受報無休永失真道也頌曰
大道本無色真空非是空若人明得透顯出樵家風
天尊告曰爾等衆生從不有中不無中無不色中
色不空中空非有為有非無為無非色為色非空為
空空即是空空無定空色即是色色無定色即是
空即空是色

空者道虛無體也色者一切有形之物也此一節
以下天尊慈憫世人不能悟真道於此丁寧反
覆告戒形容道之體用教人如此悟見大道
至虛無體因不虛立故生形以立道形為道之室
道為形之用是以有其形必有其神必有其道人
之元神本是虛靈因形所措障礙不靈譬如空中
有月千江同色水清月明水濁月昏月不離水水
不離月形不離神神不離形形有敗壞神無生滅
人生不過假此幻形以成於道何故衆生如此之
愚執此幻形被他所使棄其本逐其末終不悟性
命之理天尊故言尔等衆生可以諦聽吾說後不
有中有者此言形非長有不可認形為有無中

無此言人性虛靈亘古亘今不生不滅不可以性
為無也不色中色者此言大道清虛本無其色不
貪迷其色也不空中空者此言人神含妙主宰萬
機本無其空不可固執為空也非有為有者此言
人初生為赤子之時本來素儉非有今日不可貪
生厚利為我之有也非無為無者此言人物之生
一身一竅一物一太極造化妙理無不在人一身
不可棄我之有而為無者也非色為色者此言大
道冲虛無物不貫天地神明無處不存本無形色
之可觀不可執其非色而為色者也非空為空者
此言成道之人變化自在劫劫長存本來非空而
實有不可執着為虛無而笑之為空也空即是空

空無定空者此言大道無形變化莫測生天生地
生人物豈有定空之理至如青天白日一時風雲
雷雨變化頃刻徧滿大千世界是也如人性靜之時
乃太空也一時發其喜怒哀神機不測亦復如是豈不
是空無定空者也色即是色色無定色者人以眼
觀色眼即色也若能覺之得色觀色迴光返照了
徹心空色皆無也且夫天地之間陰陽化生萬物
隨氣成質隨質變色有情而變無情貞女化為石
山蚯化百合之類無情而變有情丹楓化羽人腐
草化為螢之類萬物皆化輪迴無期豈不是色無
定色者也是以即色是空即空是色豈不聞金剛
經云無我相人相衆生相壽者相凡有所相即是

虛妄若是諸相非相即見如來斯言至矣學人於
此玩味其庶幾乎頌曰道妙非空法人迷幻色心
有無都放下陸地盡平沈噫會得麼行道水窮山
盡處鳥啼花笑一般奏

若能知空不空知色不色名為照了始達妙音識無
空法洞觀無礙入衆妙門自然解悟離諸疑網不着
空見

此一節承上文而言為化衆生其有能悟之者
不墮頑空不着邪見唯存一心湛然常寂了了真
空無所不知無所不透道在我而不在於波若領
悟至此地位方信知空不空知色不色是以名為
照了始達妙音識無空法洞觀自在於心通於他

心無物不盡其性穿山透石無有隔礙於我慧性
生明廣照無際所以入衆妙門自然解悟頭頭是
道物物同真一切疑網盡行掀翻獨露本來不着
空見也頌曰空空本不空色色即非色直下悟玄
機知白守其黑

清靜六根斷除邪障

清靜者虛心實腹也六根者眼耳鼻舌身意也斷
絕也除去也邪障一切塵勞色慾也此承上言不
着空見之意於此教人清靜其六根絕去其邪障
內不出外不入自然神清氣靜六根安寧邪障斷
除矣頌曰了徹一心通天徹地陽盛陰消邪魔退位

我師為爾說是妙經名曰護命濟度衆生傳教

流通讀誦

我者天尊自稱也爾者言悟道之人也說開化
也妙玄也經心也猶路也人人共行之路也濟
者接引之意也度者超彼岸也此一節天尊故
言世人若能悟道明徹不被形縛不着邪障所蔽
透得向上機關至此田地可與爾言說大道
之宗轉經之妙這誦經之者可以通神悟之者可
以養命得之者可以長年是名曰護命濟度衆生
傳教世間使人人流通讀誦願得箇箇早悟圓成
豈不稱天尊之心哉頌曰箇箇身同道人人心是
經精凝神氣固護命保長生

即有飛天神王破邪金剛護法靈童救苦真人金精

猛獸各百億萬衆俱侍衛是經

此章以世法言凡好道持誦是經之人當依經說有如是神童猛獸侍衛誦經者身以道用言飛天神王者意轉靈寶昇玄之道也破邪金剛者武鍊也護法靈童者文烹也救苦真人者退魔也復其天心也金精猛獸者五色師子也總而言之凡行靈寶之時則當轉護命之經命吾黃意入東海鞭起潛龍駕火輿上昇玄谷之宮乃曰飛天神王倒流黃河之水作他崑崙蕩氣之霖乃曰破邪金剛從西山跨白虎以歸家乃曰護法靈童我退強魔元神復位乃曰救苦真人身坐空玄五色師子之上凜然肅正其威儀乃曰金精猛獸通身萬萬

氣悉歸一心乃曰各百億萬衆俱侍衛是經也學人能悟此妙內有默憫綿綿如是之功外則自有十天善神長擁護其人斯經玄妙不可思議功德也哉頌曰一點無多子超凡入聖基道高魔自伏神妙顯威儀

隨所供養捍厄扶衰度一切衆生離諸染着此言有

道誦經之人隨身所至自有神明擁護供養外則攝伏群魔內則通真顯聖一切含靈皆沾道應有情無情咸登彼岸所以捍其厄而扶其衰度一切衆生離諸染着也頌曰道妙無窮神化莫測救度衆生扶衰捍厄

爾時天尊即說偈曰視不見我聽不得聞離種種邊

名為妙道此天尊說經已畢不敢自讚故尊稱爾時
天尊即說偈言形容大道之妙總結此經一篇之
玄此四句偈為學人喫緊處老子所謂視之不見
名曰夷聽之不聞名曰希搏之不得名曰微所以
道在天地天地不知道在萬物萬物不知澄之不
清撓之不濁動之不動靜中不靜妙體至虛靈應
萬有不可得而形容也可以離形棄智即此用不
見中親見見中不見不聞中親聞聞中不聞默識
心通神領意會到此之問自離種種諸相方名為
妙道也豈不為學人希有之功者乎頌曰大象無
形大音希聲虛空粉碎神昇太清

太上洞玄靈寶定觀經註

洞玄靈寶定觀經註

靈者神也在天曰靈寶者珎也在地曰寶天有靈
化神用不測則廣覆无邊地有衆寶濟養群品則
厚載萬物言此經如天如地能覆能載有靈有寶
功德无窮證得此心故名靈寶定者心定也如地
不動觀者慧觀也如天常照定體无念慧照无邊
定慧等修故名定觀

天尊告左玄真人曰左者定也玄者深妙也真者純
也一而无雜人者通理達性之人也曰者語辭也
夫欲脩道進趣之心名為脩道先能捨事一切无染
名為捨事外事都絕六塵為外事須遠離也六塵者
色聲香味觸法更不染着名為都絕無與忤心境不